

ALANG SA KOMERSYAL O DINAGKO NGA NEGOSYO SA KANDING

Pamuhunan

- Yuta
- Balay sa kanding
- Mga koral
- Dapit sa sibsibanan
- Water pump o bomba sa tubig
- Kan-anan o feeding trough
- Pala
- Wheelborrow
- Mga pisi

Mga stocks

- Breeding does
- Breeding bucks

Gasto sa Pag-operate

- Mga tambal sa beterinaryo ug mga bakuna
- Ang mga suplemento nga bahog ug rasyon sa kanding
- Labor: regular nga empleyado ug tinagsang pagsuhol
- Ang pag-ayo ug pagmentinar sa balay sa kanding, mga koral, kagamitan, ug sibsibanan

UNSA KADAKO ANG KINAHANGLAN NGA PUHUNAN UG KUNG UNSA KADAKO ANG MA GANANSYA?

	25-doe level	50-doe level	100-doe level
Puhunan nga gikinahanglan sa pagsugod ug pagpamuhi	P67,250	P174,500	P349,000

Ang return on investment (ROI) o balik-puhunan sulod sa 5 ka tuig 67% gikan sa operasyon nga 25-doe level, 60% gikan sa 50-doe level, ug 60% and 100-doe level.

ANG GILAUMAN NGA KITA PINAAGI SA KLASE SA OPERASYON GIPAKITA SA UBOS:

	25-doe level	50-doe level	100-doe level
Tibuok nga gasto sa 5 ka tuig	P373,262	P762,002	P1,524,004
Tibuok nga kita sulod sa 5 ka tuig (pagbaligya sa stock + kantidad sa imbentaryo sa stock)	P623,750	P1,219,500	P2,439,000
Limpyo nga kita sa 5 ka tuig	P250,489	P457,498	P914,996
Balik-puhunan (ROI %)	67%	60%	60%



“A food-secure and resilient Philippines with prosperous farmers and fisherfolk”

Tinubdan sa Impormasyon:

Department of Agriculture - Caraga
Livestock Program

Technical Adviser:

JEKEM D. SANCHEZ
Livestock Focal Person / Agriculturist II
Field Operations Division

Gihubad Binisaya ug Gihimo sa:



DEPARTMENT OF AGRICULTURE - CARAGA REGION
Regional Agriculture and Fishery Information Section
Capitol Site, Butuan City
Tel. No. (085) 815-2009 (213)
Fax No.: (085) 341-2114

Inabagan sa:
LIVESTOCK PROGRAM
Caraga Region

 www.facebook.com/darfo13

 da13caragainfo@gmail.com

INFO BULLETIN NO. 07 - 2020

Livestock Program



**PAGPAMUHUNAN
SA PAGPAMUHI UG
KANDING**



NGANONG MAMUHUNAN SA PAGPAMUHI UG KANDING ?

Ang pagpamuhi ug kanding ang kasagarang nailhan sa mga Pilipino tungod kay nanginahanglan lang kini ug mubu nga pamuhunan, angay sa mga gagmay nga umahan, ug dali ra padaghanon. Base sa kultura, ang mga kanding mahinungdanon sa matag espesyal nga okasyon sama sa adlawng natawhan, bunyag, kasal, ug fiestas. Busa, ang karne sa kanding mas taas ang presyo kon itandi sa ubang karne sa merkado.

Gamay lamang ang puhunan sa pagpamuhi ug kanding tungod kay ang ilang ginakaon mao lamang ang mga dahon sa kahoy, mga sagbot, ug mga produkto sa pagpanguma. Dili lang kini gigikanan sa protina alang sa mga Pilipino, apan naghatag usab sila ug sakto nga kita. Sa tinuud, ang kanding naghatag ug panginabuhian sa 15 milyon nga mga Pilipino sa tibuuk nasud karon.

Ingon nga ang pagpamuhi sa kanding nanginahanglan lang ug mubu nga pagpamuhunan ug ubos nga risiko kon itandi sa ubang mga matang sa kahayupan, kini makapaikag nga kalihokan sa mga pamilya nga wala’y panginabuhian. Dugang pa, ang

mga kababayan-an ug mga bata mahimong makatabang sa pagpadako ug pagpa daghan sa kanding. Kini usa ka maayong paagi aron madugangan ang mga programa sa nasud bahin sa panginabuhian.

Sa pagkakaran, adunay pagtaas sa panginahanglan sa mga kanding. Bisan kung ang kinatibuk-ang imbentaryo sa kanding sa nasud padayun nga nagtaas sa 2% matag tuig, dili gihapon igo ang suplay aron matubag ang panginahanglan niini. Ang pagpadaghan sa kanding pwede i-negosyo ug bisan kinsa nga interesado nga moapil niini nga negosyo gilauman nga makaani og positibo nga mga ganti.

UNSANG MGA PRODUKTO ANG AKONG MAKUHA GIKAN SA MGA KANDING?

Ang mosunod nga datos gihisgutan ang posible nga negosyo nga mahimong himuon, ang gikinahanglan nga puhunan, ang katapusang produkto ug gibanabana nga kita, ug ang potensyal nga merkado sa mga produkto.

NEGOSYO	PUHUNAN	PRODUKTO	MERKADO
Pagbaligya sa mga breeders	Pure o na-upgrade nga Nubian, Toggenburg o Boer buck (P7,500-12,500 / hd) + Nitibo o na-upgrade nga klase (P1,500-4,000/hd)	Pure o na-upgrade nga Nubian, Toggenburg o Boer buck (P7,500-12,500 / hd) + Nitibo o na-upgrade nga klase (P1,500-4,000/hd)	<ul style="list-style-type: none"> • Pribado nga multiplier farm • Institusyon sa gobyerno
Pagbaligya sa karne sa kanding	Usa ka upgraded nga Boer alang sa matag 25 nga mga bae nga kanding + Usa ka gatos (100) nga kanding sa matag usa ka ihawan matag adlaw; 200 ka kanding sa matag 2 ka ihawan matag adlaw; 300 ka kanding sa matag 3 ka ihawan matag adlaw	<ul style="list-style-type: none"> • Kung buhi nga kanding ang ibaligya (P120-180/ kilo) o minimum nga P4,500 kada kanding • Mga prinoseso nga karne sama sa tapa, tocino ug uban pa. 	<ul style="list-style-type: none"> • Mga tigbaligya og karne sa merkado • Mga restawran nga Kambingan o sa hotel • Mga dagko nga tindahan
Buck-for-hire	Pure o na-upgrade nga toro (buck)	Serbisyo sa toro (P50-150 matag serbisyo)	Mga gabuhi ug kanding sa baryo
Pagbaligya sa mga produkto gikan sa gatas sa kanding	<ul style="list-style-type: none"> • Pure o na-upgrade nga Anglo Nubian (AN) o Saanen breed • Mga gamit alang sa pag-pasteurize sa gatas 	<ul style="list-style-type: none"> • Gatas sa kanding (0.7-2kg sa 215-250 ka adlaw nga pag-gatas) • Yogurt, keso • Sabon, losyon 	<ul style="list-style-type: none"> • Merkado diin gibaligya ang presko nga gatas • Mga kompanya sa paggama sa kosmetik

Aron masugdan ang usa ka mapuslanon nga negosyo sa kanding, gikinahanglan ang mga mosunud nga mga input:

ALANG SA BACKYARD NGA OPERASYON O GINAGMAY NGA NEGOSYO SA KANDING

Pamuhunan

- Balay sa kanding
- Breeding stocks

Mga Gasto sa Pag-operate

- Mga tambal sa Beterinaryo
- Mga bakuna
- Mga bitamina
- Dugang nga mga suplemento nga bahog